

Drac. fudior Univ. Jagell.

Historia



3414

XXI.

Mag. St. Dr.

P

Bierzanowski Standul. fos. Florida Suadae Tyli-
cianae corona.

Początek 2892.

Biblioteka Jagiellońska



stdr0002777

FLORIDA
SVADÆ TYLICIANÆ
CORONA,

Duodecim Venustissimis Floribus,

hoc est,

Clarissimis Cathedræ TYLICIANÆ Professoribus,
Inter Veris delicias reuirescens.

Clarissimo, & Excellentissimo Dño,

D. M. IOANNI RADZKI,

Collegæ Majori, Regio Philosophiæ, & Tyliciano
Eloquentiæ Professori, &c. &c.

D V M

Sub Felicissimis Auspiciis

Magnifici, Clarissimî, & Excellēmi Dñi,

D. M. FRANCISCI ROLINSKI,

Philosophiæ, & Medicinæ Doctoris, ac Professoris,
Consulis Cracouiensis, Almæ Vniuersitatis Cracou.

RECTORIS

Vigilantissimi,

felicissimum TYLICIANÆ Professionis facundo Eloquio auspicaretur
exordium, debiti cultûs, & gratulationis ergò,

A

M. STANISLAO IOSEPHO BIEZANOWSKI Leop.
Philosophiæ in Almâ Vniuersit. Crac. Doctore,

OBLATA.

Anno Redemptionis humanæ M. DC. L. VIII. Die 31. Mensis Maij.

CRACOVIAE, Apud Viduam LVCE KVPISZ, S. R. M. Typ.

CORONÆ TYLICIANÆ,
FLOS I.

Orator.

I. SIMON HALICIVS.

FLorida TYLICIANÆ postquàm viridaria dextræ
Surrexere nouis condecoranda rosis,
Floruit in primo Suadæ, rosa prima roseto,
Cui virtutis erat Summus, & artis apex,
HALICIVS cœlestis amor, Rosa grata Tonanti,
CANTIVS in vitâ, Nestor in ore merus.

Flos II.

LAVRENTIVS SMIESZKOWIC.

Hic est TYLICII, flos formosissimus horti,
Ætas cui similem vix dabit vlla Virum;
Seu cytharam poscas, seu Suadæ mella requiras;
Orpheus ad cytharam, TVLLIVS ad cathedram;
Flos hic odoratus cui non placuisset? in illo
Si BARBERINÆ mellificâstis apes.

Flos III.

IOANNES BROSCIVS.

a: 1626.

TV quoq; TYLICII cultissima Suada roseti,
Vranix fueras delictumq; TVÆ;
Astrorum cursus & doctæ pectora Stoæ
Ad numeri poteras flectere iura Tui:
Theologus, Medicus, Vates, Rhetorq; sophusq;
Archimedes, BROSCI, Lechicus alter eras.

Flos IV.

IOANNES INNOCENTIVS PETRICIVS.

a: 1629.

A Calami splendore TV lectissima pubes,
Romano didicit cultius ore loqui;
Aurea flexamina nemo præcepta Palastræ
Eloquio scripsit, iudicioq; pari,
Rostra Tibi nostræ fuerant angusta Cathedræ;
Orbis, PETRICI, par Tibi solus erat.

*Prior vocatus
ad hanc Cathedram
vix fuisse Broscio*

Flos V.

IACOBVS VITELLIVS.

SVada Tibi triplex roseo manavit ab ore,
Seu sacra Iesliadum, seu Tibi Græca magis,
Seu magis Ausoniæ placuit facundia linguæ;
Orator triplici nectare Summus eras.
Tollite jam Vestros Pæstana Rosaria flores,
En Rosa VITELLI fert decus vna triplex.

Flos VI.

IACOBVS PIOTROWICKI.

HVmano velle si se facundia vultu
Sistere, non aliud sumeret illa decus;
Quàm quo Te CRACIUS VIR Facundissime rostris
Vidimus augustum personuisse melos.

Hinc

Hinc Tibi VLADSLAI crescebat Regia proles,
Parca Tibi Vitam nō secuiſſet atrox.

Flos VII. IOANNES RACHTAMOVIVS CYNerski.

O Amor ! ô Latia celiſſima gloria Suada !
Vixiſſes vrinām nunc mea vita mihi !
Vt tibi pectus erat niueum ; ſic candida Suada,
Ore merus, calamo, cordeq; Cygnus eras.
Scriptorum fuerit ſi mentio ſola Tuorum,
Ad laudes numerus ſufficit iſte Tuas.

Flos VIII. STANISLAVS IVRKOWSKI.

L ECHICA non aliās meminit ſe Suada locutam
Pulchrius, Eloquii quā gravitate Tui;
Argumenta Tvæ fuerunt clariſſima Suadæ,
Regia laudatæ funera CÆLICIAE:
Vt Regum ſolio nihil eſt ſublimiūs alto;
Sic nihil Eloquii celiūs arte Tvr.

Flos IX. NICOLAVS SVLIKOWSKI.

O S Tibi Roxiaco, SVLIKOVVI, melle redundat,
Producitq; meras florida penna roſas;
A calamo LVDOVVICA Tvo diadematis inter
Feſta ſui, laudum florida ſerta tulit;
At nec adhuc CRACIAE per pulpita ſacra cathedræ
Ambroſio nobis de ſinis ore loqui.

Flos X. ANDREAS LIPNICIVS.

G Rande VLADISLAI buſtum, cinereſq; RENATÆ
Laudavit Suadæ poſthuma fama Tuæ;
Myſtarum numero ſed poſtquam Te Tva virtus,
Et probitas vitæ; ſacraq; Suada dedit,
E cathedrâ populo reſeras dūm verba ſalutis,
Vernantem ſuperi Te rapuere roſam.

Flos XI. FLORIANVS LEPIECKI.

Q Vod Tibi decernam dubito, FLORIANE, roletum;
Si ſuadæ Florem dixerō; Muſa negat,
Totaq; conſurgunt pro Te viridaria Phœbi,
*MEſſe ſuum Florem [LAMPADIVSq; probant;
†VOTA SECvNDA tamen, Muſas vicere dolentes,
Vicērunt Suadæ *CIVICA ſerta Tvæ.

Flos XII. IOANNES RADZKI.

Ode Trico. Tetraſtr.

O Eloquentis purpureum decus
Salve Coronæ grate coloribus
Flos eruditis ! Tu mearum
O nimium ſpecioſa claudis,

Agmen

*Meſſis Tri-
umphorum
ad Feſta Co-
ronationis
Sereniſſimæ
Ludovicæ,

[Lampas ex-
ſtingui loco
ſyderis in
funere Czci-
liæ Renatæ.

†Secūdavora
Orat. Illuſtr:
Lubomir:
*Corona Ci-
uica Sereniſ:
Caſimiri-IV.

Agmen Rosarum, TYLICIAE rosa
 Recens cathedræ. Pegasidum Tibi,
 Cyrrhæq; succenset Senatus,
 Thespiaci quod amæna collis
 Vireta linquens, flexanimæ petas
 Rosera Suadæ; tota lyræ cohors,
 Vatesq; protestamur omnes,
 Pindaricò rapuisse plectro
 Injuriôsâ Te cathedræ manu
 Vim TVILLIANÆ: redde dolentibus
 Phæbum Camænis, redde nostri
 Suada nimis violenta Pindi
 Summum cacumen; sed quid inutiles
 Iuuat querelas lætitiis Tuis
 Miscere? quando Tv Camænis
 Par potes esse, Tvisq; rostris,
 Vtrâq; Cæsar: nonnè frequentius
 Id jam probâsti nectareo Tuæ
 Dulcore pennæ, seu Periclis
 Eloquium, Venusina Flacci
 Seu plectra malles; mel sapidissimum
 Manasse scriptis vidimus omnibus;
 Seu Busta Regum, siue Sacras
 Pontificum cecinere mitras;
 GNIEVOSIANÆ propitios sophis
 Vrsæ fauores, & CHARITVM melos,
 Vittamq; GEMBICI dolentem,
 Totq; Tuæ monumenta longum
 Victûra Suadæ, quæ roseas Tibi
 Nectent coronas, TYLICIVM quoad
 Stabit Rosetum; cuius altos
 Nunc apices pede scande fausto,
 O Gratiarum gratia maxima!
 Gratum IOANNES nomen Apollini,
 Facunda Siren, TVILLIANÆ
 Io! bonis auib; palæstræ,
 Conclauē sacrum pande Clientibus
 Suadæ nouellis! incipe floridam,
 Rosis coronatus Magister,
 Spargere per iuuenes pocellam;
 Nec ante nimbos desine roscidos,
 E Cathedrarum mittere nubibus,
 Donec Rosetorum vniuersos
 Exsuperet Tua vita flores.



